


# 13. OBLJETNICA OD PRESELJENJA PROF. DR. SULEJMANA MAŠOVIĆA

Riječ muftije Ševka ef. Omerbašića  
u Zagrebačkoj džamiji u petak, 3. veljače 2012.



Muftija Ševko ef. Omerbašić i glavni imam Zagrebačke džamije hafiz Aziz ef. Alili

Ovih dana navršilo se 13 godina od preseljena prof. dr. Sulejmana Mašovića. Vjerujem da je danas u džamiji malo onih koji nisu poznavali rahmetli doktora ili nisu za njega čuli.

On je na neki način predstavljao moralnu vertikalnu ne samo nas u Islamskoj zajednici, nego muslimana općenito. Mi koji smo ga više poznavali znamo o kakvoj se kvaliteti vjernika radilo. Ono što je za nas ostala tajna rahmetli doktora jeste činjenica da tek nakon njegove smrti upoznajemo sve njegove kvalitete. Mi koji smo s njim surađivali bili smo opčinjeni njegovom ljubavlju prema vjeri islamu.



Članovi Odbora 1958. – 1962., s lijeva sjede: Mehmedalija Jusufbegović, Hajrija Bajraktarević, tajnik, Sabit Misimović, predsjednik, Hivzija efendija Alagić, imam, Mehmed Tihić; stoje s lijeva: Asim Šaćiragić, Rizo Elezović, Murat Omanović, Hajrudin Muzurović, prof. dr. Sulejman Mašović, Rasim Hadžiselimović, Edhem Čelhasić

Svih godina života u Zagrebu i Hrvatskoj neumorno je radio na unapređenju Islamske zajednice. Proputovao je sve gradove u kojima je postojala Islamska zajednica. Za vrijeme bivše Jugoslavije bio član Vrhovnog i republičkog Sabora islamske zajednice.

Od oslobođenja pa do pred samu smrt bio je član u svim odborima Islamske zajednice. Bio je član Mešihata od njegova osnutka. Jedan je od osnivača humanitarnog društva Merhamet, a za vrijeme agresije na BiH neumorno je radio na zbrinjavanju izbjeglica i prognanika.



Odbor Islamske zajednice 1968., sjede: imam Hivzija efendija Alagić, profesor Muhamed Balić, Asim Šaćiragić, predsjednik, imam Merzuk efendija Vejzagić, prof. dr. Sulejman Mašović; stoje: Azra Ruždija, Azim Karamehmedović, Edhem Čelhasić, dr. Čamil Kamarić, kadija, Seida Bejtović, Salim Šabić, Alija Ćabaravdić, Ismet Redžebašić

Bio je jedan od osnivača i kulturnog društva Preporod.

Rahmetli dr. je bio jedan od osnivača i Hrvatskog Helsinškog Odbora i brojnih drugih organizacija i udruga. Ono što je najvažnije za Islamsku zajednicu jest i to da je skupa sa svojom suprugom, dr. Fatimom, osnovao Tribinu četvrtkom navečer koja i danas djeluje i smatra se najstarijom tribinom u Zagrebu.

Svi se sjećamo rahmetli doktora koji je svake džume do pred samu smrt predavao džematlijama i odgovarao na njihova pitanja.

Mi imami proučili smo mu hatmu moleći Svevišnjega da ga nagradi za sva njegova golemu pregnuća koja su ostavila trajni trag na sve nas.



Prvi Mešihat Islamske zajednice Hrvatske: prof. dr. Sulejman Mašović, Mirso Srebreniković, Ahmed Ikanović (stoje) i prvi muftija Ševko Omerbašić

Molimo Svevišnjega Allaha da ga nagradi džennetom u koga je silno vjerovao i za njega se zalagao.

**RAHMETULLAHIALEJHI RAHMETEN VASIATEN**

(Fotografije prof. dr. Sulejmana Mašovića preuzete su iz knjige Ševke ef. Omerbašića – Islam i muslimani u Hrvatskoj)